

Tillaga að starfsleyfi

Norðlenska ehf.

Kt. 500599-2789

Grímseyjargötu
600 Akureyri

-Brennsla sláturúrgangs í áhættuflokkum 1 og 2-

Rekstraraðili:

Norðlenska ehf., kt. 500599-2789, Grímseyjargötu, 600 Akureyri.

Leyfið er veitt í samræmi við lög nr. 7/1998, um hollustuhætti og mengunarvarnir, og reglugerð nr. 785/1999, um starfsleyfi fyrir atvinnurekstur sem getur haft í för með sér mengun, m.s.br. Leyfishafi skal auk þess hlíta ákvæðum annarra laga og reglugerða sem um starfsemina kunna að gilda auk starfsleyfisskilyrða Heilbrigðiseftirlits Norðurlands eystra sem fylgja leyfi þessu.

Framsal þessa leyfis er óheimilt.

Ef breytingar verða á starfseminni skal tilkynna það Heilbrigðiseftirliti Norðurlands eystra.

Starfsleyfið var samþykkt á fundi Heilbrigðisnefndar Norðurlandssvæðis eystra þann xx.xx 2016. Starfsleyfið **gildir í 1 ár frá útgáfudegi**, eða til xx.xx 2017.

Akureyri, xx.xx 2016

XX
heilbrigðisfulltrúi



HNE

Heilbrigðiseftirlit Norðurlands eystra

Kt. 470199-2029 · Akureyrardeild · Furuvellir 1 · 600 Akureyri · Sími: 462 4431 · Fax: 461 2396 · Netfang: hne@hne.is
Húsavíkurdeild · Hafnarstétt 3 · 640 Húsavík · Símar: 464 2690 og 898 8340 · Netfang: oggi@hne.is

Starfsleyfisskilyrði vegna mengunarvarna fyrir brennsluofn vegna förgunar áhættuvefja í flokkum 1 og 2 frá sláтурhúsi Norðlenska ehf. á Akureyri

1. Almenn ákvæði og gildissvið

- 1.1. Starfsleyfi þetta gildir fyrir brennsluofn til brennslu á allt að 120 tonnum af sláтурúrgangi í áhættuflokkum 1 og 2 (áhættuvefir) á ári. Leyfið nær til brennslu áhættuvefja frá starfsstöð rekstraraðila á Akureyri eingöngu og ekki frá öðrum aðilum. Starfsleyfi þetta veitir ekki heimild til brennslu á sláтурúrgangi eða öðrum lífrænum úrgangi sem eldsneyti fyrir brennsluofn.
- 1.2. Ef um annan starfsleyfisskyldan rekstur er að ræða samhliða gilda um það viðeigandi starfsleyfisskilyrði.
- 1.3. Rekstaraðili ber ábyrgð á að lögum og reglum sem eiga við um starfsemina sé fylgt, sem og kröfum í starfsleyfisskilyrðum.
- 1.4. Viðhaldsáætlun skal vera tiltæk um starfrækslu brennsluofns í samræmi við leiðbeiningar framleiðanda.

2. Varnir gegn mengun umhverfis

- 2.1. Beita skal bestu fáanlegu tækni til að fyrirbyggja mengun umhverfisins. Brennsluofninn skal hafa hlotið vottun hjá opinberum aðila á Evrópska efnahagssvæðinu.
- 2.2. Rekstraraðila er skylt að sjá um, að á öllu athafnasvæði hans sé gætt fyllsta hreinlætis. Allar vélar og tæki, hráefni og annað það er starfseminni tilheyrir og er vistað í húsnæði eða á lóð fyrirtækisins skal þannig frágengið að ekki valdi óþrifum eða óþægindum fyrir nágranna og annan almenning.
- 2.3. Brennsluofninn skal staðsettur á lekaheldu undirlagi, svo sem steinsteyptu plani. Ef niðurföll eru í nágrenni skulu þau útbúin þannig að unnt sé að fanga sláтурleifar áður en þeim er spúlað út í fráveitu við þrif á athafnasvæði.
- 2.4. Geymsla á hráefni til brennslu skal vera í kældu rými innandyra. Geymsla sláтурúrgangs utandyra er óheimil.
- 2.5. Takmarka skal loftmengun frá starfsemi eins og kostur er. Einungis er heimilt að nota eldsneyti sem uppfyllir ákvæði reglugerðar nr. 560/2007, um fljótandi eldsneyti, til að kynda brennsluofninn. Notkun úrgangsolíu til kyndingar brennsluofnsins er alls óheimil. Loftræstingu skal þannig fyrir komið að hún valdi ekki óþrifum utanhúss eða óþægindum í nærliggjandi starfsstöðvum vegna loftmengunar eða lyktar. Útblástursrör skal ná upp fyrir þakbrún aðliggjandi húsnæðis.
- 2.6. Takmarka skal hávaða frá starfseminni eftir því sem kostur er. Hávaði við lóðarmörk skal uppfylla viðmiðunarmörk fyrir hávaða í samræmi við reglugerð nr. 724/2008, um hávaða.

- 2.7. Lekavörn skal vera kringum olíutank og utan um hann skal vera árekstaravörn ef tankurinn er staðsettur í akstursleið ökutækja. Rúmmál lekavarnar skal vera að lágmarki til jafns við rúmmál olíutanks.
- 2.8. Stefnt skal að lágmörkun úrgangs hjá fyrirtækinu. Ösku, gjalli og öðru frá brennsluofni skal fargað í samræmi við lög nr. 55/2003, um meðhöndlun úrgangs. Rekstraraðili skal flokka og endurnýta úrgang eins og kostur er. Úrgangur sem ekki nýtist skal annaðhvort fluttur til endurnýtingar annarsstaðar eða til förgunar á viðurkenndum förgunarstað. Spilliefni skal ekki geyma til langframa á umráðasvæði fyrirtækisins. Sorphirslur og ílát undir úrgang sem staðsett eru utanhúss skulu vera lokað og standast kröfur heilbrigðiseftirlits. Spilliefnum skal komið til viðurkenndrar spilliefnamóttöku gegn afhendingu kvittunar þar sem fram kemur tegund spilliefna, magn og dagsetning.
- 2.9. Verði vart við meindýr skal sjá til þess að þau þrifist ekki eða taki sér bólfestu á athafnasvæði rekstraraðila. Rekstraraðili skal hindra aðgengi villtra fugla og spendýra að brennsluofni og úrgangsgeymslu.
- 2.10. Ef mengunaróhapp verður, s.s leki hættulegra efna eða slys í meðhöndlun á hráefni eða úrgangsefnum, skulu tafarlaust gerðar ráðstafanir til að stöðva útbreiðslu efnanna og hreinsa upp það sem þegar hefur lekið niður. Fylgja skal viðbragðsáætlun þar sem við á og gera slökkviliði viðvart í neyðarsíma 112.
- 2.11. Verði rekstri hætt skal rekstraraðili, í samráði við heilbrigðisfulltrúa, ganga þannig frá athafnasvæðinu að hvorki mengunar- né slysa hætta skapist.

3. Innra eftirlit

- 3.1. Rekstaraðili skal viðhafa innra eftirlit með mengandi þáttum starfseminnar. Skrá skal á skilvirkan hátt og geyma upplýsingar um:
- Afstöðumynd af brennsluofni sem inniheldur m.a. fráveitulagnir, olíutank og hreinsivirk, ásamt breytingum sem gerðar eru á þeim. Skrá skal allar breytingar sem gerðar eru á byggingum og frárennslislögum og varða mengunarvarnabúnað.
 - Þjálfun starfsmanna sem starfa við brennsluofn og niðurstöður árlegrar úttektar á ofni í samræmi við leiðbeiningar framleiðanda.
 - Viðhald á brennsluofni og tæmingu hreinsivirkja sem eru til staðar
 - Meðhöndlun úrgagns, þ.m.t. magn og gerð. Gera skal sérstaklega grein fyrir magni þess úrgangs sem brenndur er, sem og tímasetningu brennslu. Sömuleiðis ber að skila skýrslu þar um fyrir 1.maí ár hvert sbr. 19. gr. laga nr. 55/2003 um meðhöndlun úrgangs.
 - Hitastig í brennsluofni á meðan hann er starfræktur.
 - Öll mengunaróhöpp og atvik er varða mengun og mengunarvarnir fyrirtækisins.



Heilbrigðiseftirlit Norðurlands eystra

Kt. 470199-2029 · Akureyrardeild · Furuvellir 1 · 600 Akureyri · Sími: 462 4431 · Fax: 461 2396 · Netfang: hne@hne.is
Húsavíkurdeild · Hafnarstétt 3 · 640 Húsavík · Símar: 464 2690 og 898 8340 · Netfang: oggi@hne.is

- g) Kvartanir og/eða athugasemdir sem berast vegna reksturs brennsluofnsins.

Innra eftirlit og skráningar skulu vera aðgengilegar heilbrigðisfulltrúum til skoðunar.

4. Losunarmörk og sýnatökur

- 4.1. Innan 6 mánaða frá veitingu starfsleyfis skal rekstraraðili sýna fram á að brennsluofninn standist þær fullyrðingar um varnir gegn losun mengunarvalda sem settar eru fram af framleiðanda.
- 4.2. Heilbrigðisnefnd getur farið fram á ítarlegri upplýsingar varðandi losun mengandi efna frá brennsluofnинum ef ástæða þykir, þ.m.t. sýnatökur.

5. Eftirlit

- 5.1. Um eftirlit fer samkvæmt ákvæðum reglugerðar nr. 786/1999, um mengunarvarnaeftirlit. Heilbrigðisnefnd ber ábyrgð á mengunarvarnaeftirliti og framkvæmd þess undir yfirumsjón Umhverfisstofnunar. Rekstraraðili greiðir eftirlitsgjald samkvæmt gjaldskrá viðkomandi heilbrigðiseftirlits, eins og hún er hverju sinni.